

১৯৯০ সনের ১০ নং আইন

**বগুড়া পলী উন্নয়ন একাডেমী প্রতিষ্ঠাকল্লে প্রণীত আইন**

যেহেতু বগুড়া পলী উন্নয়ন একাডেমী প্রতিষ্ঠাকল্লে বিধান করা সমীচীন ও প্রয়োজনীয়;  
সেহেতু এতদ্বারা নিচ্ছপ আইন করা হইলঃ-

**১। সংক্ষিত শিরোনাম ও প্রবর্তন।** — (১) এই আইন বগুড়া পলী উন্নয়ন একাডেমী আইন, ১৯৯০  
নামে অভিহিত হইবে।

(২) এই আইন ১৯৯০ সনের ১লা জানুয়ারী তারিখে বলবৎ হইয়াছে বলিয়া গণ্য হইবে।

**২। সংজ্ঞা।** — বিষয় বা প্রসংগের পরিপন্থী কোন কিছু না থাকিলে, এই অধ্যাদেশে,—

- (ক) “একাডেমী” অর্থ এই আইনের অধীন প্রতিষ্ঠিত বগুড়া পলী উন্নয়ন একাডেমী;
- (খ) “প্রবিধান” অর্থ এই আইনের অধীন প্রণীত প্রবিধান;
- (গ) “বিধি” অর্থ এই আইনের অধীন প্রণীত বিধি;
- (ঘ) “বোর্ড” অর্থ একাডেমীর পরিচালনা বোর্ড;
- (ঙ) “মহা-পরিচালক” অর্থ একাডেমীর মহা-পরিচালক;
- (চ) “সদস্য” অর্থ বোর্ডের সদস্য;
- (ছ) “সভাপতি” অর্থ বোর্ডের সভাপতি।

**৩। একাডেমী প্রতিষ্ঠা।** — (১) এই অইনের বলবৎ হইবার সংগে সংগে এই আইনের লক্ষ্য ও  
উদ্দেশ্য পূরণকল্লে বগুড়া পলী উন্নয়ন একাডেমী নামে একটি একাডেমী প্রতিষ্ঠিত হইবে।

(২) একাডেমী একটি সংবিধিবদ্ধ সংস্থা হইবে এবং ইহার স্থায়ী ধারাবাহিকতা ও একটি সাধারণ  
সীলমোহর থাকিবে এবং ইহার স্থাবর ও অস্থাবর উভয় প্রকার সম্পত্তি অর্জন করার, অধিকারে রাখার  
এবং হস্তান্তর করার ক্ষমতা থাকিবে এবং উক্ত নামে ইহা মামলা দায়ের করিতে পারিবে বা ইহার  
বিরুদ্ধেও মামলা দায়ের করা যাইবে।

(৩) বগুড়া জেলার শেরপুর উপজেলাধীন গাড়ীদহ নামক স্থানে একাডেমীর প্রধান কার্যালয়  
থাকিবে।

**৪। সাধারণ পরিচালনা।** — একাডেমীর পরিচালনা ও প্রশাসন একটি পরিচালনা বোর্ডের উপর  
ন্যস্ত থাকিবে এবং একাডেমী যে সকল ক্ষমতা প্রয়োগ এবং কার্য সম্পাদন করিতে পারিবে বোর্ড সেই  
সকল ক্ষমতা প্রয়োগ ও কার্য সম্পাদন করিতে পারিবে।

**৫। বোর্ড।** — (১) বোর্ড নিচ্ছপ সদস্য-সমন্বয়ে গঠিত হইবে, যথাঃ—

- (ক) পলী উন্নয়ন ও সমবায় বিষয়ক মন্ত্রণালয় বা বিভাগের দায়িত্বে নিয়োজিত মন্ত্রী;
- (খ) পলী উন্নয়ন ও সমবায় বিষয়ক মন্ত্রণালয় বা বিভাগের প্রতিমন্ত্রী, উপ-মন্ত্রী যদি থাকে;
- (গ) পলী উন্নয়ন ও সমবায় বিষয়ক মন্ত্রণালয় বা বিভাগের সচিব বা উক্ত মন্ত্রণালয় বা  
বিভাগের সচিবের দায়িত্ব পালনরত কোন কর্মকর্তা।

- (ঘ) কৃষি মন্ত্রণালয় বা বিভাগের সচিব বা তৎকর্তৃক মনোনীত অন্যন্য যুগ্ম-সচিব এর পদমর্যাদা সম্পন্ন একজন কর্মকর্তা;
- (ঙ) অর্থ বিষয়ক মন্ত্রণালয় বা বিভাগের সচিব বা তৎকর্তৃক মনোনীত অন্যন্য যুগ্ম-সচিব এর পদমর্যাদা সম্পন্ন একজন কর্মকর্তা;
- (চ) স্থানীয় সরকার বিষয়ক মন্ত্রণালয় বা বিভাগের সচিব বা তৎকর্তৃক মনোনীত অন্যন্য যুগ্ম-সচিব এর পদমর্যাদা সম্পন্ন একজন কর্মকর্তা;
- (ছ) সংস্থাপন বিষয়ক মন্ত্রণালয় বা বিভাগের সচিব বা তৎকর্তৃক মনোনীত অন্যন্য যুগ্ম-সচিব এর পদমর্যাদা সম্পন্ন একজন কর্মকর্তা;
- (জ) পরিকল্পনা কমিশনের পলী প্রতিষ্ঠান উইং এর দায়িত্বে নিয়োজিত সদস্য;
- (ঝ) রেন্টের, বাংলাদেশ লোক প্রশাসন প্রশিক্ষণ কেন্দ্র;
- (ঞ) মহা-পরিচালক, বাংলাদেশ পলী উন্নয়ন বোর্ড;
- (ট) মহা-পরিচালক, বাংলাদেশ পলী উন্নয়ন একাডেমী, কুমিল্লা;
- (ঠ) কমিশনার, রাজশাহী বিভাগ;
- (ড) নিবন্ধক, সমবায় সমিতিসমূহ;
- (ঢ) পরিচালক, ইনষ্টিউট অব বাংলাদেশ টাইজি, রাজশাহী বিশ্ববিদ্যালয়;
- (ণ) উপাচার্য, বাংলাদেশ কৃষি বিশ্ববিদ্যালয়, ময়মনসিংহ বা তৎকর্তৃক মনোনীত উক্ত বিশ্ববিদ্যালয়ের কোন অনুষদের অধ্যাপক এর পদমর্যাদা সম্পন্ন কোন অনুষদের একজন সভাপতি;
- (ত) পরিচালক, জাতীয় স্থানীয় সরকার প্রতিষ্ঠান;
- (থ) সরকার কর্তৃক মনোনীত চারজন ব্যক্তি;
- (দ) একাডেমীর মহা-পরিচালক।
- (২) পলী উন্নয়ন ও সমবায় বিষয়ক মন্ত্রণালয় বা বিভাগের দায়িত্বে নিয়োজিত মন্ত্রী বা কোন মন্ত্রী না থাকিলে উহার প্রতি-মন্ত্রী বা, ক্ষেত্রমত, উপ-মন্ত্রী বোর্ডের সভাপতি হইবেন।
- (৩) পলী উন্নয়ন ও সমবায় বিষয়ক মন্ত্রণালয় বা বিভাগের প্রতি-মন্ত্রী বা উপ-মন্ত্রী, এবং প্রতি-মন্ত্রী বা উপ-মন্ত্রী কেহ না থাকিলে উক্ত মন্ত্রণালয় বা বিভাগের সচিব বা সচিব পদে নিয়োগ ভারপ্রাপ্ত কর্মকর্তা বোর্ডের সহ-সভাপতি হইবেন।
- (৪) উপ-ধারা (১) (খ) এর অধীন সরকার কর্তৃক মনোনীত কোন সদস্য, তাঁহার মনোনয়নের তারিখ হইতে তিনি বৎসর মেয়াদে স্বীয় পদে অধিষ্ঠিত থাকিবেন:
- (৫) সভাপতির উদ্দেশ্যে স্বাক্ষরযুক্ত পত্রযোগে সরকার কর্তৃক মনোনীত কোন সদস্য স্বীয় পদ ত্যাগ করিতে পারিবেন।

৬। গবেষণা এলাকা।— একাডেমী খুলনা ও রাজশাহী বিভাগের অন্তর্ভুক্ত যে কোন এলাকা এবং সরকারের অনুমতি সাপেক্ষে, উহাদের এলাকা বহির্ভূত যে কোন এলাকাকে পলী উন্নয়ন গবেষণার জন্য ব্যবহার করিতে পারিবে।

৭। একাডেমীর দায়িত্ব।— একাডেমীর নিঃস্বার্থ দায়িত্ব থাকিবে, যথাঃ-

- (ক) পলী উন্নয়ন সম্পর্কিত যে কোন বিষয়ে গবেষণা পরিচালনা করা;
- (খ) পলী উন্নয়ন কাজে নিয়োজিত সরকারী কর্মচারী ও অন্যান্যদের প্রশিক্ষণ প্রদান;
- (গ) পলী উন্নয়নের কৌশল ও ক্রিয়াপদ্ধতির উপর পরীক্ষা ও তথ্যানুসন্ধান করা;
- (ঘ) পলী উন্নয়ন সম্পর্কিত কর্মসূচী ও কার্যাবলীর মূল্যায়ন করা;
- (ঙ) সরকার ও অন্যান্য সংস্থাকে পলী উন্নয়ন সম্পর্কে উপদেশ ও পরামর্শ দেওয়া;
- (চ) পলী উন্নয়ন ক্ষেত্রে উচ্চতর গবেষণায় নিয়োজিত দেশী ও বিদেশী ব্যক্তিগণের কার্যাবলী পরিচালনা ও তত্ত্বাবধান করা বা কার্যাবলী সম্পাদনের ক্ষেত্রে সহযোগিতা করা;
- (ছ) জাতীয় ও আন্তর্জাতিক সেমিনার, সম্মেলন ও কর্মশালার আয়োজন ও পরিচালনা করা;
- (জ) পলী উন্নয়ন ক্ষেত্রে নীতি নির্ধারণে সহায় করা;
- (ঝ) সরকারের অনুমোদনক্রমে বিদেশী বা আন্তর্জাতিক গবেষণা, শিক্ষা ও প্রশিক্ষণ প্রতিষ্ঠানের সাথে পলী উন্নয়ন বিষয়ক যৌথ কর্মসূচী গ্রহণ করা;
- (ঝঃ) সরকারের অনুমোদনক্রমে পলী উন্নয়ন সংক্রান্ত বিভিন্ন বিষয়ে ডিপোমা সার্টিফিকেট কোর্স প্রবর্তন করা।

৮। নির্দেশ প্রদানে সরকারের ক্ষমতা।— এই আইনের উদ্দেশ্য পূরণকালে সরকার একাডেমীকে যে কোন নির্দেশ প্রদান করিতে পারিবে এবং একাডেমী উহা পালন করিতে বাধ্য থাকিবে।

৯। বোর্ডের সভা।— (১) বোর্ড প্রতি ছয় মাসে কমপক্ষে একবার সভায় মিলিত হইবে এবং সভার তারিখ, সময় ও স্থান সভাপতি কর্তৃক স্থিরীকৃত হইবে।

(২) এই ধারার বিধান সাপেক্ষে, বোর্ডের সভার কার্যধারা প্রবিধান দ্বারা নিয়ন্ত্রিত হইবে।

(৩) বোর্ডের সভার কোরামের জন্য উহার মোট সদস্য সংখ্যার অন্তর্ভুক্ত এক-তৃতীয়াংশ সদস্যের উপস্থিতির প্রয়োজন হইবে, তবে মূলতবী সভার ক্ষেত্রে কোন কোরামের প্রয়োজন হইবে না।

(৪) সভাপতি বোর্ডের সকল সভায় সভাপতিত্ব করিবেন, এবং তাঁহার অনুপস্থিতিতে বোর্ডের সহ-সভাপতি সভাপতিত্ব করিবেন।

(৫) প্রত্যেক সদস্যের একটি করিয়া ভোট থাকিবে এবং ভোটের সমতার ক্ষেত্রে সভায় সভাপতিত্বকারী ব্যক্তির দ্বিতীয় বা নির্ণয়ক ভোট প্রদানের ক্ষমতা থাকিবে।

(৬) শুধামাত্র কোন সদস্য পদে শূন্যতা বা বোর্ড গঠনে ত্রুটি থাকার কারণে একাডেমীর কোন কার্য বা কার্যধারা অবৈধ হইবে না এবং তৎসম্পর্কে কোন প্রশ্ন ও উত্থাপন করা যাইবেনা।

১০। সভাপতির বিশেষ ক্ষমতা।— একাডেমীর স্বার্থে তৎক্ষণিক সিদ্ধান্ত গ্রহণের প্রয়োজনীয়তা দেখা দিলে সভাপতি যে কোন সিদ্ধান্ত গ্রহণ করিতে পারিবেন এবং তৎসম্পর্কে বোর্ডকে অবিলম্বে অবহিত করিবেন।

**১১। মহা-পরিচালক।**— (১) একাডেমীর একজন মহা-পরিচালক থাকিবেন।

(২) মহা-পরিচালক বোর্ডের সচিবও হইবেন।

(৩) মহা-পরিচালক সরকার কর্তৃক নিযুক্ত হইবেন এবং তাহার চাকুরীর শর্তাদি সরকার কর্তৃক স্থিরীকৃত হইবে।

(৪) মহা-পরিচালকের পদ শূন্য হইলে কিংবা অনুপস্থিতি বা অসুস্থতাহেতু বা অন্য কোন কারণে মহা-পরিচালক দায়িত্ব পালনে অসমর্থ হইলে শূন্যপদে নব নিযুক্ত মহা-পরিচালক কর্যভার গ্রহণ না করা পর্যন্ত কিংবা মহা-পরিচালক পুনরায় দ্বীয় দায়িত্ব পালনে সমর্থ না হওয়া পর্যন্ত সরকার কর্তৃক মনোনীত কোন ব্যক্তি মহা-পরিচালকর্পে দায়িত্ব পালন করিবেন।

(৫) মহা-পরিচালক একাডেমীর সার্বক্ষণিক মুখ্য নির্বাহী কর্মকর্তা হইবেন এবং তিনি-

(ক) বোর্ডের যাবতীয় সিদ্ধান্ত বাস্তবায়নের জন্য দায়ী থাকিবেন;

(খ) বোর্ডের নির্দেশ মোতাবেক একাডেমীর অন্যান্য কার্য সম্পাদন করিবেন।

**১২। কর্মকর্তা ও কর্মচারী নিয়োগ।**— (১) সরকার কর্তৃক সময় সময় প্রদত্ত নির্দেশাবলী সাপেক্ষে, একাডেমী উহার দায়িত্ব সুষ্ঠুভাবে পালনের জন্য কর্মকর্তা ও কর্মচারী নিয়োগ করিতে পারিবে।

(২) একাডেমীর কর্মকর্তা ও কর্মচারীদের নিয়োগ ও চাকুরীর শর্তাবলী প্রবিধান দ্বারা নির্ধারিত হইবে।

**১৩। ঋণগ্রহণের ক্ষমতা।**— এই আইনের উদ্দেশ্য পূরণকল্পে একাডেমী সরকারের পূর্বানুমোদনক্রমে ঋণ গ্রহণ করিতে পারিবে।

**১৪। একাডেমীর তহবিল।**— (১) একাডেমীর একটি তহবিল থাকিবে এবং উহাতে-

(ক) সরকারের অনুদান,

(খ) স্থানীয় কর্তৃপক্ষের অনুদান,

(গ) একাডেমীর সম্পত্তি বিক্রয়লব্ধ অর্থ,

(ঙ) একাডেমী কর্তৃক প্রাপ্ত অন্য যে কোন অর্থ জমা হইবে।

(২) একাডেমীর তহবিল বোর্ডের অনুমোদনক্রমে যে কোন তফসিলভুক্ত ব্যাংকে জমা রাখা হইবে।

(৩) একাডেমী উহার দায়িত্ব পালনের প্রয়োজনে উহার তহবিল ব্যবহার করিতে পারিবে।

**১৫। বার্ষিক বাজেট বিবরণী।**— একাডেমী প্রতি বৎসর সরকার কর্তৃক নির্দিষ্ট সময়ের মধ্যে পরবর্তী অর্থ বৎসরের বার্ষিক বাজেট বিবরণী সরকারের নিকট পেশ করিবে এবং ইহাতে উক্ত অর্থ বৎসরে সরকারের নিকট হইতে একাডেমীর কি পরিমাণ অর্থের প্রয়োজন উহার উল্লেখ থাকিবে।

**১৬। হিসাব রক্ষণ ও নিরীক্ষা।**— (১) একাডেমী যথাযথভাবে উহার হিসাব রক্ষণ করিবে এবং হিসাবের বার্ষিক বিবরণী প্রস্তুত করিবে।

(২) বাংলাদেশের মহা হিসাব-নিরীক্ষক ও নিয়ন্ত্রক, অতঃপর মহা হিসাব-নিরীক্ষক বলিয়া উল্লিখিত, প্রতি বৎসরে একাডেমীর হিসাব নিরীক্ষা করিবেন এবং নিরীক্ষা রিপোর্টের একটি করিয়া অনুলিপি সরকার ও একাডেমীর নিকট পেশ করিবেন।

(৩) উপ-ধারা (২) মোতবেক হিসাব নিরীক্ষার উদ্দেশ্য মহা হিসাব-নিরীক্ষক কিংবা তাঁহার নিকট হইতে ক্ষমতা প্রাপ্তি কোন ব্যক্তি একাডেমীর সকল রেকর্ড, দলিল, দলিল-দস্তাবেজ, নগদ বা ব্যাংকে গচ্ছিত অর্থ, জামানত, ভাস্তর এবং অন্যবিধি সম্পত্তি পরীক্ষা করিয়া দেখিতে পারিবেন এবং একাডেমীর মহা-পরিচালক, অতিরিক্ত মহা-পরিচালক, পরিচালক এবং একাডেমীর অন্য যে কোন কর্মকর্তা বা কর্মচারীকে জিজ্ঞাসাবাদ করিতে পারিবেন।

**১৭। প্রতিবেদন।**— সরকার প্রয়োজন মত একাডেমীর নিকট হইতে একাডেমীর যে কোন বিষয়ের উপর প্রতিবেদন বা বিবরণী আহবান করিতে পারিবে এবং একাডেমী উহা সরকারের নিকট প্রেরণ করিতে বাধ্য থাকিবে।

**১৮। ক্ষমতা অর্পণ।**— বোর্ড উহার যে কোন ক্ষমতা বা দায়িত্ব সুনির্দিষ্ট শর্তে মহা-পরিচালক বা একাডেমীর অন্য কোন কর্মকর্তাকে অর্পণ করিতে পারিবে।

**১৯। সরল বিশ্বাসে কৃত কাজকর্ম রক্ষণ।**— এই আইন, কোন বিধি বা প্রবিধানের অধীন সরল বিশ্বাসে কৃত কোন কাজের ফলে কোন ব্যক্তি ক্ষতিগ্রস্ত হইলে বা তাঁহার ক্ষতিগ্রস্ত হইবার সম্ভাবনা থাকিলে তজ্জন্য বোর্ড, সভাপতি, সদস্য, মহা-পরিচালক বা একাডেমীর অন্য কোন কর্মকর্তা বা কর্মচারীর বিরচ্ছে কোন দেওয়ানী বা ফৌজদারী মামলা বা অন্য কোন আইনগত কার্যক্রম গ্রহণ করা যাইবে না।

**২০। বিধি প্রণয়নের ক্ষমতা।**— এই আইনের উদ্দেশ্য পুরণকল্পে সরকার, সরকারী গেজেটে প্রজ্ঞাপন দ্বারা, বিধি প্রণয়ন করিতে পারিবে।

**২১। প্রবিধান প্রণয়নের ক্ষমতা।**— এই আইনের উদ্দেশ্য পুরণকল্পে একাডেমী সরকারের পূর্ব অনুমোদনক্রমে, এবং সরকারী গেজেটে প্রজ্ঞাপন দ্বারা, এই আইন বা কোন বিধির সহিত অসামঞ্জস না হয় এইরূপ প্রবিধান প্রণয়ন করিতে পারিবে।

**২২। পলী উন্নয়ন একাডেমী, বগুড়া এর বিলোপ ইত্যাদি।**— (১) একাডেমী প্রতিষ্ঠার সংগে সংগে পলী উন্নয়ন ও সমবায় বিভাগের ১৯শে জুন, ১৯৭৩ তারিখের স্মারক নং শাখা-১১/১এ-১/৭৩/২২৪, অতঃপর উক্ত স্মারক বলিয়া উল্লেক্ষিত, বাতিল হইয়া যাইবে।

(২) উক্ত স্মারক বাতিল হইবার সংগে সংগে-

(ক) উক্ত স্মারকের অধীন গঠিত পলী উন্নয়ন একাডেমী, বগুড়া, অতঃপর উক্ত প্রতিষ্ঠান বলিয়া উল্লিখিত, বিলুপ্ত হইবে,

(খ) উক্ত প্রতিষ্ঠানের সকল সম্পদ, অধিকার, ক্ষমতা, কর্তৃক ও সুবিধাদি এবং স্থাবর ও অস্থাবর সকল সম্পত্তি নগদ ও ব্যাংকে গচ্ছিত অর্থ এবং অন্য সকল দাবী ও অধিকার একাডেমীতে হস্তান্তরিত হইবে এবং একাডেমী উহার অধিকারী হইবে,

- (গ) বিলুপ্ত হইবার পূর্বে উক্ত প্রতিষ্ঠানের যে সকল খণ্ড, দায় এবং দায়িত্ব ছিল তাহা একাডেমীর খণ্ড, দায় এবং দায়িত্ব হইবে,
- (জ) উক্ত প্রতিষ্ঠানের সকল কর্মকর্তা ও কর্মচারী একাডেমীতে বদলী হইবেন এবং তাহার একাডেমী কর্তৃক নিযুক্ত কর্মকর্তা ও কর্মচারী বলিয়া গণ্য হইবেন এবং এইরূপ বদলীর পূর্বে তাহারা যে শর্তে চাকুরীতে নিয়োজিত ছিলেন, একাডেমী কর্তৃক পরিবর্তিত না হওয়া পর্যন্ত, সেই একই শর্তে তাহারা একাডেমীর চাকুরীতে নিয়োজিত থাকিবেন।

২৩। **রাহিতকরণ ও হেফাজত।**— (১) বগুড়া পলী উন্নয়ন একাডেমী অধ্যাদেশ, ১৯৮৯ (অধ্যাদেশ নং ৯, ১৯৮৯) এতদ্বারা রাহিত করা হইল।

(২) অনুরূপ রাহিতকরণ সত্ত্বেও, রাহিত অধ্যাদেশের অধীন কৃত কাজকর্ম বা গৃহীত ব্যবস্থা এই আইনের অধীন কৃত বা গৃহীত হইয়াছে বলিয়া গণ্য হইবে।